

虛堂和尚語錄 七



臨安府徑山興

聖萬壽禪寺後錄

參學

正一

淨喜

尚賢

編

上堂開端令節萬事從_レ新普賢_レ磨墨_レ文殊_レ把_レ
 筆_レ書箇_レ事事_レ大吉_レ從_レ茲_レ常住_レ寬餘_レ掃除_レ連積_レ
 斗南長見_レ老人_レ星五_レ峯峨_レ峨_レ倚空_レ碧_レ
 謝_レ知事_レ上堂_レ楊岐_レ挾紙_レ衾_レ出入_レ庫司_レ三十年
 力_レ輔_レ慈明_レ用都_レ寺_レ不_レ點_レ常住_レ油_レ買_レ木_レ椀_レ造_レ食_レ
 供_レ養_レ大_レ衆_レ後_レ爲_レ亞_レ世_レ命_レ師_レ叢_レ林_レ標_レ準_レ况_レ此_レ龍

峯名滿天下來者即非凡木居者盡是棟材
從茲日日春風挽白國師元氣且朕朕得人
一句作麼生老僧八十間無數贏得看山復
看雲

上堂舉瀉山因摘茶次謂仰山曰終日摘茶
只聞子聲不見子形仰撼茶樹瀉云子只得
其用不得其體仰云未審和尚如何瀉良久
仰云知尚只得其體不得其用瀉云放子二

十棒拈云瀉山恐仰山不在時時管帶仰山
子承父業豈敢妄爲若是體用互換放過杖
子總是第二月

結夏小參僧問如來夏制禁足護生納僧家
朝游西天暮歸東土作麼生制得他師云只
可自怡悅不堪持贈君僧云若如是則不離
當處常湛然覓則知君不可見師云餓狗齧
枯骸僧問只如以大圓覺爲我伽藍身心安

居平等性智心如工伎兒意似和伎者作麼
生得身心安居去師云見人空解笑弄物不
知名僧云某甲今夏信受奉行去也師云釘
嘴鐵舌得人憎

師乃云靈峯勝境神龍變化出沒難測其由
物外高人不憚崇岡峻嶺望風而至不為崑
山採玉赤水求珠直教刺腦入膠盆正好將
身挨白刃時臨夏制意在護生性地絕塵無

生可護且九十日內精修梵行成就慧身一
句作麼生卓主丈雪後始知松栢操事難方
見丈夫心

復舉睦州和尚因西峯相訪置茶果道話次
州云長老今夏在何處安居峯云蘭溪睦云
多少衆峯云七十餘僧睦云時中將何示徒
峯拈起榘子州云著甚死急拈云睦州雖不
用拶折雲門脚底險機要且賓主歷然忽有

問徑山今夏多少衆内外七百餘僧忽又問
尋常將何示徒和聲便喝待他擬議則便道
徑山門下誰敢捋虎鬚

次日上堂鵝護雪臘人冰諸方恐有之我者
裏毀於佛謗於法不入衆數尚且救不得一
半何況九十日內如守古塚鬼作麼生得證
入去擊拂子修心鍊行三世佛冤

謝秉拂夏齋上堂齋粥二時下地問訊進退

一入扣讓也

揖讓謂之禮撞鐘伐鼓謂之樂二者既備三
德六味自天而降棒喝交馳從何而起會則
香風吹蕊花更雨新好者不然下寧損君德
上堂君勿愛清涼清涼如火如沸湯君勿惡
炎熱炎熱如冰如積雪勿愛亦勿惡未是道
遙處揚次公自見天衣懷和尚之後縱其波
辯品藻諸方咸謂法藏比丘後身獨徑山殊
未之信畢竟此是何人卓主丈清朝楊侍講

季世佛牙郎

上堂鴉作鴉鳴鵲作鵲噪盡大地人不知孔
竅忽有箇漢出來道大唐國裏有人在老僧
不覺屈膝吐舌何故將謂無人
謝監收上堂未子熟也世間好事人皆聽刈
鑊一舉鉢盂無底貯虛空古今差別情通主
丈頭邊路活且道往來飽德所主者何人卓
主丈家住海門東樽桑最先照

解夏小參大覺世尊直下五十三世嫡孫比
丘某甲見住徑山興聖萬壽禪寺兼佛遺蔭
遵佛制法於四月十五日不用行籌坐草與
四海禪流同此安居於九十日內四威儀中
無頃刻雜用身心證此阿羅漢果無漏法身
出生入死得太受用夫復何疑忽有箇漢出
來道老和尚畢竟有何憑據山僧教伊近前
來低聲子向他道你把得穩便了

復舉鏡清和尚問僧近離甚處僧云三峯夏
在甚處僧云五峯清云放子三十棒僧云某
甲有什麼過清云蓋汝出一叢林入一叢林
拈云動絃別曲落葉知秋山中散夏豈無衲
子東去西去忽有人問切不得道在徑山過
夏道著則打破你觸髅何故卓主丈酒逢知
已飲詩向會人吟

次日上堂頂上笠腰下包千里萬里路空寬

途中忽然撞著定上座輩道趙州東壁挂葫
蘆意作麼生放下竿子向他道我今夏在徑
山住曾見虛堂和尚說來且待我思量看待
他擬議攔胸一拳頂笠便行

謝書記藏主維那知客侍者上堂禮樂謙恭
進退揖讓叢林標準後學著龜只因未子不
識一字帶累他老胡說得不盡直饒綱令清
峻驗人眼高置之一邊忽若丹霞來訪國師

又作麼生卓主丈三應不得漏洩
上堂舉雲門示衆三乘十二分教達麼西來
放過則不可後來雪竇大師舉了隨後喝云
大衆好喝落在什麼處若要鼻孔遼天須是
辨取者下喝拈云二大士承承家法殊不知
有滲漏處徑山則不然若要鼻孔遼天直須
丟此一喝

運菴和尚忌日拈香吽發吒喇竭節地轉天

回難辨別不使松源省數錢慣用衲僧鎖口
訣同死不同生特地成途轍秋風影裏重羅
列義斷情忘四十年何時待得龜成鱉
上堂開不如靜忙不如閒靜閒俱泯謂之得
理歸宗事理絕日輪正當午又作麼生商量
擊拂子向道莫行山下路果然猿叫斷腸聲
上堂舉仰山坐次忽有異僧從空而至作禮
庭立仰云近離甚處僧云今早離西天仰云

聖經 卷七

何來太遲僧云游山翫水仰云神通妙用則
不無閣黎佛法須還老僧僧云特來東土禮
文殊却遇著箇小釋迦拈云仰山布漫天網
於集雲峯下羅織有知無端被小果聲聞用
冬瓜印子當頭一搭却乃休去若到徑山門
下更須驗過始得何故擊拂子禮非玉帛而
不表樂非鐘鼓而不傳

開爐上堂徑山年老心孤要說火爐頭話終

不道東家杓柄長西家杓柄短只要每日鉢
盂兩度濕忽然坐到更深毛頭星現各自救
取眉毛

達磨忌拈香應般若多羅之識嫩桂無差破
流支三藏之疑詞鋒峻烈從此亦宗歛影正
脉流通一花五葉滿地吹香海豎山椒咸沾
聖澤月良春小莫焚五藪炷此兜樓少伸攀
慕且道太師還來也無挿香云不審不審

上堂舉德山因廓侍者問從上諸聖向什麼處去山云你麼作麼廓云勅點飛龍馬跋驚出頭來山休去明日山浴出廓度茶與山山撫廓肯一下云昨日公案你麼生廓云老漢今日方始瞥地山又休去師拈云盡謂德山兩處休去是養子之緣殊不知鬧市裏打靜槌死水裏設羈絆

上堂朝鐘暮鼓晨粥午齋一一見聞覺知謾

他下星子不得及問他歸宗斬蛇木隨蓋龜便去不得且道障礙在什麼處忽有眾中衣鉢道友本色衲僧出來露箇消息供養大眾也好箇時節

冬至小參陰極陽生理隨事變是你衲僧家家具子若能一念知歸不被寒暑之所遷自然靈脈貫通暖氣相接直饒管飛灰繡紋透線也是什麼閑絡索忽然傍不甘底出來

道不涉化機乞師指示山僧只向他道胡地
冬抽筍江南雪亞梅

復舉洛浦和尚因龐居士來參禮拜起云孟
夏漸熱仲冬薄寒浦云莫錯士云龐公年老
浦云何不寒便道寒熱便道熱士云患聾作
麼浦云放你三十棒士云啞却我口塞却汝
耳師拈云洛浦貪程太速不知蹉過鳳樓若
龐密用金針不覺鋒頭已露檢點將來二俱

不了且道那裏是他不了底來夜請首座爲
衆點破

次日上堂下氣不言發自九困之底初夕無
象肇爲萬化之宗依舊雲物呈祥山林改觀
忽有箇漢向陰陽未判已前打破漆桶又且
如何若果然生鐵也須粉碎

謝執事上堂舉地藏道諸方浩浩說禪爭如
戎者裏種田博飯師拈云盡謂地藏坐土走

十殊不知倒著麻鞋來似去徑山窮天文究
地理到底不識者箇畢竟是什麼卓主丈一
舉兩得
上堂舉乾峯和尚道舉一不得舉二放過一
著落在第二師拈云乾峯慣與人解註徑山
則不然舉一也不得舉二也不得放過也不
得把住也不得何故卓主丈又添一箇解註
也

積產如這也走也

除夜小參更籌餞臘看看趲到結交頭斗柄
回春日日數來添一歲加一酌則龐公帽子
頭著地減一杯則李老君醉眼生瞋從教臘
雪連天說甚宰牛分歲盡是有名無實說食
充饑徑山別有修章只要知時識節只如簪
燈遠照靜守除夕將何管顧卓主丈莫嫌老
婦無盤飮笑指爐中芋栗香
復舉歸宗因小師辭次宗云向什麼處去僧

作簪
燈籠
然燈而
簪
其
也

云諸方學五味禪去宗云我者裏一味禪因
什麼不學僧云如何是和尚一味禪宗便打
僧云我會也我會也宗云道來有僧擬開口
宗又打是則是劔刃上事要且盡法無民徑
山令行一半曲為今時若依而行之則非惟
法堂前草深一丈正恐無人看天澤菴
正且上堂鳶飛戾天魚躍于困四夷拜舞八
表宣傳笑看紅日上闌干且道歲且剛辰是

何祥瑞卓主丈天子南郊

謝新舊兩班上堂有賓有主有禮有樂謂之
旃檀叢林其主也正心誠意待物如春其實
也標準後學權衡通變忽若賓主互融禮樂
一致又作麼生卓主丈向道是龍剛不信果
然奪得錦標歸

元霄上堂朝蒙元日郊禮天地開泰聖天子
威而放燈一月以享上帝輦轂之下青紅碧

緣巷陌如畫禪門中亦有五燈有傳燈廣燈
普燈續燈聯燈燈燈相續循環無盡且道徑
山是什麼燈卓主丈墻壁有耳
上堂舉保福因僧侍立次福云你得恁麼兼
心僧云什麼處是某兼心福將下塊土度與
云拋向外邊著其僧拋了再問福云我見你
掣著磕著所以道你兼心師拈云前面許你
親見雪峯後面未敢相許何故擊拂子金以

石試人以言試

佛涅槃上堂天不文地不理忽去忽來如月
印水歲月已往兮波旬得時柳示雙趺兮飲
光增喜悲兮喜兮春風桃李一以貫之曾子
曰唯
上堂舉見見之時見非是見見猶離見見不
能及拈云黃面老子其實要汝諸人不執方
歸乎中道殊不知雕砂無鏤玉之功徑山不

借口業今日作一句子與諸人解註去也擊

拂子

上堂舉長水問琅琊清淨本然云何忽生山河大地
瑯琊清淨本然云何忽生山河大地
長水有省拈云敢問諸人問處一般答亦不
別長水因甚悟去徑山更與諸人解註一徧
擊拂子清淨本然云何忽生山河大地
上堂首夏清和百昌敷茂會四海高人深探

淺究驀然噴地一發吸盡百川不餘水之一
滴燭盡須彌不消火之一豆誰辨來由松肥
竹瘦直饒七事隨身徑山道箇未是何故擊
拂子洞山佛無光韓信臨朝底

結夏小參西天那蘭陀寺不魯禁足法令森
嚴給孤園中不立期限得道者多故我大覺
世尊具真天眼宿命通觀東土兒孫不受戒
律心游邪徑故下制以禁之令其九十日內

速證道果山僧聞得不覺寒毛卓豎不敢顯
聞何故擊拂子但持鷄狗戒不學祖師禪
復舉良遂座主參麻谷和尚一見來便携鋤
入菜園略不相顧復參次谷便閉却門遂扣
門谷云誰遂應聲味絕豁然大悟云和尚莫
謾良遂好若不來見和尚幾被經論誤却一
生後來告衆云良遂知處諸人不知諸人知
處良遂總知頌云諸人知處良遂知良遂知

處人不知因思積雨花狼藉空寫愁腸說向
誰

次日上堂舉一明三日機銖兩爲什麼終身
不得放浪雲山無適無莫爲什麼經年秦定
且如來制中合取那一等上科爲後人法式
上堂了卓二未解度關坐一坐七似近岑
樓會得炎夫火裏如入清涼寶所不會則清
涼寶所如坐火聚刀山要須如顏子坐忘始

有做工夫分

上堂舉朝奉郭功甫請五祖演和尚上堂朝
奉先於法座前燒香云此一瓣香與尚爐中
為光明雲徧滿法界供養我堂頭師兄禪師
伏願於此雲中方廣座上壁開面門放出先
師形相與他諸人描邀何以如此白雲巖畔
舊相逢往日今朝事不同夜靜水寒魚不食
一爐香散白蓮峯祖乃云曩謨薩怛多鉢囉

野恁麼恁麼幾度白雲溪上望黃梅花向雪
中開不恁麼不恁麼嫩柳條金線且要應時
來不見龐居士問馬大師云不與萬法為侶
者是什麼人大師云待汝一口吸盡西江水
即向汝道大衆一口吸盡西江水萬丈深潭
窮到底猿狗不是趙州橋明月清風安可比
師拈云者般說話有甚捉摸處盡從無依無
欲中流出此三昧或者道基逢敵手琴遇知

音誰便不與麼道待虛堂換却骨頭却許你
者一轉語

解夏小參結集法藏取證刻期此是先聖洪
範結集法藏務要慧命流通取證刻期貴在
情量頓脫徑山今夏一眾現大人相各不相
知主賓彼此偷安說甚明知故犯及乎逗到
言薦賞勞直是無啓口處且道是何等叢林
卓主丈韓幹馬嘶芳草渡戴嵩牛卧綠楊陰

復舉黃檗因臨濟上山問訊住數日乃辭檗
云汝破夏來何不終夏去濟云暫來問訊檗
便打令其去濟行數里疑其事再回終夏師
拈云臨濟當時若一去不回使黃檗懸鼓待
槌方有些衲僧氣息無端再回終夏依舊益
落誓裏且道諸訛在什麼處擊拂子將謂不
然今則果然

次日上堂秋風吹曉露秋雨送秋炎祖師門

下客無處不咨參前程忽撞著箇金口木舌
漢又作麼生卓主丈且喜大事了畢

上堂舉五祖戒和尚問僧近離甚處僧云東
京祖云曾見天子麼僧云常年一度出金明
池祖云有禮可恕無禮難容出去師拈云者
僧若親從京師來也恐謾他不得

中秋送鏡空西堂赴三塔上堂門當古道塔
帶寒江不須招手自來誰敢橫趨而去景德

堂上鏡空禪師繙前輩典刑有尊宿禮兒榮

膺朝命光闡宗猷聚首龍峯可無攀感直得

寒山拈掌拾得歡呼何也卓主丈此夜一輪

滿清光何處無

上堂舉雪峯在洞山作飯頭陶米次山問云

爲復是淘沙去米爲復是淘米去沙峯云沙

米一齊去山云太衆喫箇什麼峯覆却盆子

山云子緣法合在德山師拈云季咸相壺在

子林隨變不分仗劍而逐之洞山謂雪峯緣
在德山不知是何相法峯後果嗣德山此又
過是李咸之徒歟

開爐上堂舉趙州火爐頭無賓主話多年無
人提掇徑山火爐頭無賓主話又作麼生每
日只管理論範圍錫築浴室鞞法鼓造江船
且與麼過何暇舉火爐頭話來春又要架僧
堂移行堂立行者名次與麼時節方可閉門

作活

達磨大師忌日拈香觀東震且有太乘根器
逾海越漠而來遠赴梁朝丹闕一言契合如
春卷衣北面折葦問津信知桂識不誣人追
思嚴諱炊黍餽芥流水希聲絃欲斷不知將

底續芳塵

上堂舉風穴示眾云若立一塵家國興盛野
老顰蹙不立一塵家國喪亡野老安貼師拈

識白識同符
識說文驗也凡
之驗也緯皆言將來

後附也

云風穴只要箇相似底殊不知天傾東南地
陷西北會得日與義皇上人游戲大槐安國
其間得失榮辱自能知之卓主丈云參
上堂平生好攻禪病不知病是道源要知道
源端的直須陸地行船因思大唐裴相國作
圓覺經一序一字一義聳動人天又思本朝
溫國公製解禪頌六篇一褒一貶一賤一貴昭然
匪伊自絕夙種佛亦不度無緣

冬夜小參僧問瀉山問仰山仲冬嚴寒年年
事畧運推移事若何仰山又手近前而立師
云父攘羊子證之僧云瀉山云情知子答者
話不得師云一家父子和氣如春僧云香嚴
入來瀉舉前話嚴云某甲偏蒼得者話瀉山
復舉嚴亦又手近前而立此意如何師云離
婁行處浪滔天僧云瀉云賴遇寂子不會師
云手臂終不向外曲僧云今夜忽有箇漢出

來問和尚仲冬嚴寒年年事畧運推移事若
何作麼生答他師云老僧也只與麼答他僧
云畢竟作麼生答師云劔去久矣僧禮拜
師乃云山僧得長老之名已四十年於四十
年中住十箇院子其間論今考古說東話西
盡是門頭戶底之說其緊切處不曾道著得
一字子今則時臨亞歲節屆書雲反不如四
十年前未曾啓口底一句子分曉且作麼生

是四十年前未曾啓口底一句子卓主文要
且不是這一句子

復舉瀉山一日臥次仰山來瀉乃轉面向壁
臥仰云某甲是和尚弟子不用形迹瀉作起
勢仰便出瀉召云寂子仰回瀉云聽老僧說
箇夢仰低頭作聽勢瀉云爲我厚看仰取一
盆水一條手巾瀉洗却面纔坐香巖入來瀉
云我適來與寂子作一上神通不同小小巖

云某甲在_下面了_了知得_了瀉云子試道看香
嚴乃點_一椀茶來瀉云_二子智慧神通過_於
鷲子目連師拈云瀉山源脉到五代時浸微
且道因甚如此卓_主丈過在_目連鷲子
次日上堂_一氣潛回百昌萌動君子道長兮
露柱咨參小人道消兮燈籠作舞義出豐年
道復太古國師懽喜問如何冬至寒食_一百
五

謝_兼拂_冬齋_上堂以_佛法_玄妙_布施_於人如_雀
填_滄海以_醍醐_上味_供養_於人如_密裡_砒
霜是他宿習因緣佛也救他不得徑山明如
業鏡這裏無你討便宜處
正且上堂臘裏_三白元正氣和天地開泰萬
物得序因甚麼_一年有_兩箇歲端若謂_閑餘
成_歲阿誰不知_山僧尋常道天下人安我始
安_徑令_通事_舍人子細聽探是何氣數如是

通事舍人不移修持存司馬法跬步繞四天下打日避一遭無事奉定日集
不知無處不到歸來踊躍歡喜果有豐年之在
北山僧云以何為據通事舍人道都城巷陌在市
市廛邸店村落鄉坊柴米蔬菜百物廉平二在京師者
麥雪後鬱然可觀是為豐年之北山僧又問至也
此外別有消息否他云桑柘樹頭聞布穀春
風影裏牧耕牛山僧道通事舍人你果然名
德相字向春老僧有錢買箇油糞子供養你

他將身一旋拊掌大笑而去山僧惟切疑之
雖然且道他笑箇甚麼シモ
聞正月望為勅慶遠長老上堂不知歲之餘
閏不知月之大小懵懵懂懂如是者僅三十
年一旦眼睛活便見朝旨踵門趨歸慶遠衲
僧家潛行密用得與麼靈驗且上馬見路下
句作麼生卓主丈江南春信早紫葢已伸拳
上堂乾坤之內宇宙之間中有一寶秘在形

山形山即不問如何是一寶莫是上木人立
乙巳廢咄可知禮也

上堂舉踈山造壽塔次知事白云將幾錢與
匠人山云爲將三文與匠人好爲將兩文與
匠人好爲將一文與匠人好若道得與吾親
造壽塔其僧莊然後有僧舉似大嶺嶺云還
有人道得廢僧云未有人道得嶺云你歸舉
似和尚若將三文與匠人此生決不得塔若

將兩文與匠人和尚與匠人共出一隻手若
將一文與匠人帶累匠人眉鬚墮落僧回舉
似踈山踈山禮拜云大嶺古佛放光射至此
間雖然也是臘月裏蓮花大嶺聞得云我與
麼道早是龜毛長數尺師拈云二大老向針
頭上削鐵擬鑄太阿煞佛煞祖爭奈有人
橫點頭徑山壽塔是崑山薦巖嗣子寶葉造
來亦不知其價直且道與大嶺古佛放光射

至此間相去多少卓主文多年曆日如能用
免被巡官指上推

上堂舉德山參龍潭纔相見便問久嚮龍潭
及乎到來潭又不見龍又不現潭云子親到
龍潭至夜侍立次潭云子何不下去德山即
珍重揭簾而出見外面黑却回云外面黑潭
點紙燭度與山山擬接潭即吹滅山於此大
悟便你禮潭云子見箇什麼道理山云某甲

從今日去不疑天下老和尚舌頭次日潭陞
座云可中有箇漢牙如劍樹口似血盆一棒
打不回頭他時異日向孤峯頂上盤結草菴
立吾道去也山取疏鈔於法堂前將一炬火
提起云窮諸玄辯若一毫置於太虛竭世樞
機似一滴投於巨壑遂焚之師拈云辨龍蛇
眼擒虎兒機自古有之只因錯爲指陳以致
破家散宅還有人辨得出麼喝下喝下座

海西堂至上堂推天文窮地理將陰陽易數
向著草影邊點指頭子數過無一星子漏落
且道趙州東壁掛葫蘆在什麼數中會得事
同一家不然多向洞庭青草岸楚天空闊不
知歸

結夏小參僧問人皆苦炎熱我愛夏日長薰
風自南來殿閣生微涼此是古人聯句大慧
聞得打破漆桶且道節文在甚麼處師云甚

處見大慧僧喝云也是泥裏洗土塊師云果
然僧云德山小參不答話有問話者三十棒
此意如何師云醋酸何必挂葫蘆進云有僧
出禮拜德山便打又你麼生師云鐵旗鐵鼓
進云僧云某甲話也未問爲什麼打某甲又
且如何師云義出豐年進云山云你是何處
人僧云新羅人山云未跨船舷好與三十棒
又你麼生師云德山性命落在這僧手裏進

云只如德山與麼爲復是賞伊罰伊師云劍
握斃人手進云者僧是箇衝波逆浪慣弄潮
頭底因甚德山覷他不破師云你却被諸人
覷破了也僧云只如今夜忽有箇漢出來道
某甲話未問爲什麼打某甲未審和尚你麼
生答他師云我不似德山老婆心僧云明眼
宗師天然有在師云賊是家親師乃云古篆
不文新條有制九旬禁足割瓦覓天三月護

生劈髮煮鶴致使有志之士無所舒伸縱饒
別有生機未免伏聽處分老僧今夜不惜眉
毛作箇方便使現前四衆九夏無虛棄之功
還信得及麼若信得及水邊林底切磋琢磨
必有修證之期其如不然各請收歸上科
復舉涌泉因雪峯訪乃門送峯入轎了泉云
者箇四人拜那箇幾人昇峯聳身云道甚麼
泉再舉峯云行行他不會師拈云電光石火

之機具大眼自卒難湊泊涌泉危流中失却
手撓雪峯過在後語當時若是徑山待他聳
身云道甚麼只向他道請和尚穩乘轎子非
惟坐斷雪峯舌頭亦使天下人針劄不入
次日上堂大覺世尊二千年前給孤園中聚
一千二百五十比丘至安居日起模畫樣迨
今繩繩未已今日忽有箇漢出來道我者裡
是靈中天地別有日月不入你若保社山僧

只得明窓下安排何故麒麟上瑞舉世希逢
謝福州光首座乘拂上堂夫蠱者最靈通不
期而會不約而同按著崖崩石裂拖出金圈
栗蓬驚倒露柱嚇煞燈籠不知何處毒種元
來門裏有蟲

呼格切怒也又以口擬人也

上堂排日治疊教盡一味休去歇去茫然湛
然去謂之得道之士殊不知未曾啓口先犯
國諱只如離言詮絕依倚諸方作麼生接納

端午日嘉禾報息冰谷遺書至上堂午見五
謂之天中節陽德既剛元化以洽盡大地無
非是藥者要且療不得無病之人且道那箇
是無病之人卓主丈間取冰谷老子
中夏上堂舉趙州問南泉如何是道泉云平
常心是道州云還假趣向否泉云擬之則乖
州云不擬又爭知是道泉云道不屬知不屬
不知知是妄覺不知是無記若真達不疑之

道謔若太虛豈可強是非耶趙州禮拜師拈
云一夏九十日已過四十五日此是四十五
日已前語四十五日已後語若是四十五日
已前語焦墀打著連底凍若是四十五日已
後語老僧不得不說若不說又恐諸人見疑
却煩主丈子子細分看卓主丈單折交重
上堂炎威三伏不爲苦涼風四來不爲樂樂
中有苦人不知苦中有樂人不會擲虛空揮

象外擔板一生死而無悔

上堂一喝分賓主照用一時行且道賓主作

麼生分若分得犯突吉羅罪若分不得背地

裏捫心

上堂舉與化示眾云今日不用如何若何便

請單刀直入與化與汝證據時有旻德長老

出禮拜起便喝化亦喝德又喝化亦喝德禮

拜歸眾與化云若是別人三十棒一棒也較

不得何故盖他旻德一喝不作一喝用便下

座師拈云漢高祖給韓信而殺之身雖死其

心果死乎與化放旻德長老三十棒和氣如

春較之賓主相見則遠之遠矣

解夏小參僧問初秋夏末布袋頭開時節因

緣請師開示師云若不得流水還應過別山

僧云學人到此何似不問好師云叮嚀損君

德僧云馬大師因僧問離四句絕百非請師

直指西來意此意如何師云拚身入虎穴僧
云馬師云我今日勞倦不能為汝說問取智
藏又作麼生師云貪程太速不覺落草僧云
僧問藏藏云我今日頭疼不能為汝說問取
海兄此意如何師云神踰鬼哭禍及私門僧
云僧問海海云我到者裏却不會又作麼生
師云賤尚無生國裏僧云馬大師父子各有
病痛還有人醫得否師云先醫得你方醫得

他僧云學人無病何必求醫師云通身是癩
不肯承當僧禮拜云謝師答話師云知過必
改
師乃云清泉白石偃月枕雲竹屋茅堂怡神
適意可謂頓忘身世絕俗幽緇無端禁足安
居佛法朝朝在已剋期取證功行時時上心
只知規矩襲人安得入流忘所衲僧家作得
主把得定不被入謾且取功底向作麼生卓

主丈一把香芻拈未暇六環金錫響遙空
復舉洞山示衆云初秋夏末兄弟家東去西
去直須向萬里無寸草處去傳到瀏陽菴主
庵主云何不道出門便是草因此機感相投
道播寰中徑山則不然忽有僧出辭只向他
道秋暑尚炎擬整包笠何如此之速耶且道
與二大老相去多少擊拂子醜婦鬢眉
次日上堂卓主丈一下云頂笠挈包雲外去

者回終不上龍峯又卓一下途中忽然撞著
定上座被他當頭道箇不審你作麼生祇對
他又卓一下不須頻勸酒自有解愁人又卓
一下

謝都寺維那藏主知客侍者上堂挾紙衾歷
重任慈明其責得人罰饋飯復游山興化求
賢大急主賓相見未舉先知只如趙州繞禪
牀又作麼生卓主丈莫笑國師門戶冷老來

無力為三呼

上堂舉石霜普會遷化衆請首座住持處待
者云先師道休去歇去一條白練去一念萬
年去明甚麼邊事若會得則住持若不
會則不可座云明一色邊事處云未會先師意在
座云裝香來香煙斷處若去不得則不會先
師意香煙未斷首座脫去處拈首座背云坐
脫立亡者則不無要會先師意猶未
在師拈

云一人高高峯頂立一人深深海底行不是
與人難共住大都緇素要分明作麼生是分
明底事卓主文

中秋上堂僧問寒山子今夜見月因甚拈掌
大笑師云眼裏著沙不得耳裏著水不得僧
云今夜還有人發笑也無師云直饒笑裡有
刃也須勘過僧云記得馬大師翫月次云正
與麼時如何西堂云正好供養此意如何師

云寸丁入木僧云百丈云正好修行又作麼
生師云地獄門前鬼脫却僧云南泉拂袖使
行此意如何師云只緣步驟太過不覺通身
泥水僧云且道三大老下語還有優劣也無
師云厭殺馬師多少僧云馬師又道經歸藏
禪歸海惟有普願獨超物外又作麼生師云
巖下風生虎弄兒僧禮拜師云禮拜則可
師迺云玉宇澄肅衆星掩耀尋常多是論三

五惟有今霄分外明引得馬簸箕呼兒喚子
縱而翫之直饒各逞危機畢竟出他影子不
得莫有出他影子底麼出來下一轉語供養
大衆不然山僧自道去也

上堂舉瀉山和尚問仰山臨濟道石火莫及
電光因追從上諸聖以何法示人仰山云和
尚作麼生瀉云九有言說皆非實義仰云官
不容針私通車馬瀉云如是如是師拈云是

則是父子投機如水入水惟恐歲月已過久而成弊莫有救得此弊者麼卓主丈
 上堂未舉先知未話先領南天台北五臺則
 可若更說九疑秦華相高有殊則未可也納
 僧家朝山暮水滿眼塞耳覓什麼佛法玄妙
 不然朝茅暮茅喜怒在爾

圓覺大師第十二忌拈香西天末葉東土初
 枝趨趨梁魏兮形影相吊冷坐嵩少兮路徑

行不進負

俗甲字

委之行委曲也又詩台南委蛇之佳自得負又一一美也

委蛇將謂單傳直指誰知一握亂絲罵底恨
 底患在為人之師今則枝枯業墮敷茂何期
 有屈明明無雪處臨風只可自嘔戲聊陳菲
 供來兮鑒諸

廈 明假加大之門
 廡 廡也無當下
 周屋 出翼人屋
 俗廈 作誤也

開爐後眾僧單鉢歸千僧閣上堂建大厦非
 鉅林難以任重責安廣眾非海量難以納眾
 流從頭改作赤手變通太覺寮不許重鑪案
 積千僧閣只排三百餘單但得爐中之火有

種自然暖氣相洽既足千僧閣因甚只安三
百單卓主丈

書雲夜參僧問北禪烹露地白牛洞山撥退

秦首座果卓此意如何師云聞貪不聞富僧

云還有優劣也無師云優則同優劣則同劣

僧云只如徑山今冬果子貴將什麼與諸人

分冬師云鐵酸讓僧云恁麼則勝他北禪洞

山多矣師云合取狗口僧云學人來夜果子

胡新加豆半生之 又餅中豆也

還有分也無師云獨有無分僧云謝和尚
果子師云家賊難防

師乃云亦未動一氣潛回不萌枝上擬抽

條無影樹頭先破葦壺中日暖虛室生白佛

法撥在鼻尖頭流水有誰彈古調此是時節

因緣只如指呼凡聖號令人天獨步大方為

世眼目還有遷變也無卓主丈夜半起來屈

膝坐毛頭星現衲僧前

復舉玉泉皓和尚示眾仲冬嚴寒布衲赫赤
不是不洗無得替換拈云皓布衲久貧乍富
向蟭螟眼裏開張世處出來三叉路口大叫
一聲道士曠人稀相逢者少會得笑領取去
不然來夜請首座爲諸人品題
上堂無中取有短處求長是你衲僧針孔線
蹊邊事你若不受人謾縱一機則須彌安業
奪一境則海水騰波直饒縱奪可觀猶是諸

方撥牌交割底徑山久默斯要不敢預聞
上堂舉芭蕉和尚示眾云你有主丈子我與
你主丈子你無主丈子我奪你主丈子真淨
和尚云你有拄杖子我奪你拄杖子你無拄
杖子我與你拄杖子師拈云請各放下者主
丈子且道三轉語還有優劣也無擊拂子
朝廷祈雪上堂師云好雪片片不落別處有
僧出厲聲云落在甚麼處師云莫作揚花柳

絮飛進云世尊說法大梵天王以金色波羅
花獻此意如何師云錦上鋪花又下重僧云
世尊拈起顯示本衆惟有迦葉尊者破顏微
笑又作麼生師云物見主眼卓豎僧云世尊
云吾有正法眼藏分付摩訶大迦葉北意又
作麼生師云黃金檐子千鈞重僧云今日和
尚說法忽有人獻花未審如何顯示師云洞
中春色入難見僧云只如

萬乘帝君深信此道遠降御香祈世分求瑞雪應
禱下句作麼生師云和氣兆豐年僧云與麼
則難逃化育師云知恩者少
師乃云六花現瑞普賢境東全彰三白應祈
金色真人避席頗使乾坤一色草木呈祥平
原二麥鬱然可觀海豎山椒咸霑聖澤無爲
願廣息大難酬不須江路野梅香雪裏一枝
斜更好時康物阜天清地寧

恭謝畢復云憂民恤物歛天威半斷乾坤肅
四夷先放臘梅凝瑞雪次教春色到瑤池
朝廷降賜度牒二十道入常住修造上堂僧
問徑山古剎屋老僧殘天意好還兩蒙宣
賜學人上來願聞法要師云人人鼻孔遼天
箇箇感息戴德僧云記得馬大師因僧問如
何是祖師西來意馬師云你道什麼何不近
前來此意如何師云縵夫網子百千重僧云

者僧近前復舉前話被馬大師一脚踏倒起
來呵呵大笑道百千妙義無量法門盡向一
毫頭上識得根源復呵呵大笑又作麼生師
云乞兒拾得錫僧云今日忽有人問和尚如
何是祖師西來意未審作麼生答他師云雪
後諸峯盡不如僧云學人今日小出太遇師
云你得箇什麼僧便喝師云金毛獅子
師乃云山鳴谷應風起水涌此皆時節因緣

非一毫而莫取代木丁丁於峯頂僧牒遠降
於中天戴德日新際遇特異崇堂從茲易舉
皇恩難以報稱誓勤禪誦仰蒼鴻休凡所見
聞悉皆妙證

恭謝畢復云年垂九十礎叢林歷盡風霜歲
月深妙蘊豈能超佛祖寸衷端可格天心
月且上堂兼謝紫巖長老僧問日月光天德
山河壯帝居學人上來請師祝聖師云巢知

風穴知雨僧云今日精嚴和尚到來如何祇
接師云茶湯畢送歸客位僧云恁麼則禮遇
過塵師云你不得來者裏敲弄口蒲僧云記
得慈明因泉大道來訪明云片雲橫谷口游
人何處來泉云夜來何處火燒出古人墳此
意如何師云踢天弄井得人憎僧云慈明又
云未得更道泉便作虎聲又作麼生師云錢
出急家門僧云只如和尚今日離却言句如

何與人相見セ師云爛熳葛藤拽不斷トモ僧云且喜領シラフ話師云逆耳之談

師乃云起處精銳東山正脉ニ潜通振領森嚴

松源家法猶在去也トモ白雲澹泞出沒無拘住ル

也古栢凌霜歲寒不變且シ不約而會シ一句如

何付囑シ卓主丈但思天目塔休話シ子陵灘

除夜小參僧問門前爆竹通消息何必重シ新

舉話頭師云刺腦入膠盆僧云灰寒火冷歲

律告闌如何是交接頭トモ句師云家中無怪兆

何必釘桃符僧云老和尚有福改觀徑山師

云窮鬼トモ擲シ偷僧云記得楊岐和尚因除夜看

打驅シ儼謂湘中端上人曰汝トモ一籌不如他此

意如何師云垂絲千尺不釣凡鱗僧云其僧

曰何謂也楊岐云他要人笑你怕人笑其僧

當下頓忘知見還端的也無師云鶻鼻布衫

須腕却僧云徑山除夜只看百戲學人忽然

悟去誰爲證明師云坐掃堆頭更加塩堿僧
云和尚滿口贊歎學人師云劍戟齒牙
師乃云老不禁寒山邊水邊曝日春歸閨苑
長底短底從新笙歌叢裏賀年朝錦綉筵中
開壽域衲僧門下別有條章每日蒙頭打坐
不知歲月易遷真饒按著不來誰展鉢盂喫
飯恁麼會去世之全知也論語同之而不應之矣又味成器也儻或不然且臘月三
十夜下句又作麼生卓主丈老樹卧波寒影

動野煙浮草夕陽昏

復舉瀉山和尚山下有一菴主仰山去驗他
云山中和尚道許多人祇得大機不得大用
庵主以謂如何庵主云再舉看仰山復舉被
庵主攔胸下踏仰山歸舉似瀉山山呵呵大
笑拈云瀉山呵呵大笑是笑仰山是笑菴主
明得方知者一踏有落著處
正且上堂四達皇皇無邊無表因甚有新有

舊會得此去漢陽不遠不然黃鶴樓前鸚鵡

洲

謝兩班上堂龍象交參主賓互換叢林茂盛
兩序得人國一禪師出來呵呵大笑不覺打
失鼻孔因甚如此懽喜而得之

元宵上堂僧問一燈然出百千燈燈燈相續
且道者一燈從何而出師云平生不曾與人
述朱僧以坐具打圓相莫是郎者裏出麼師

云弄光影漢僧云若是做工夫底衲子箇箇
便知落著師云你還知落著否僧云學人大
似暗中拾物師云你是探頭山裏人僧禮拜
云謝師答話

師乃云上元新節處處燒燈都城巷陌市廛
邸店觀者如堵惟復燈來眼底眼到燈邊會
得方是觀燈人其或未然多向暗地裏走
謝馬安人捨僧堂禪牀四十座及尼師上堂

僧問如何是祖師西來意師云一錠破三關
分明箭後路僧云有僧問趙州如何是祖師
西來意州云庭前栢樹子此意如何師云爲
人方便勝修行僧云有僧問雲門不起一念
還有過也無門云須彌山又作麼生師云蘇
武持漢節而歸僧禮拜

師乃舉鄭十三娘隨下尼上瀉山山云師始
在什麼處住尼云南臺江邊住山便喝出却

云背後老婆子向什麼處住十三娘又手近
前而立瀉山再問十三娘云早箇呈似了也
山云去二人至法堂尼云十三娘尋常道我
會禪口如利劍今日被大師問總無一言可
答十三娘云苦哉苦哉作者般眼目也道我
行脚你須脫下裙衫與十三娘著拈云古人
道肯重不得全尚被人檢點何況昧忘已見
念他初地菩薩不欲徵之

佛是槃上堂僧問將此身心奉塵刹是則名
爲報佛息師云只你一箇是五逆兒孫僧云
世尊臨入涅槃以手摩胸普告大衆汝等善
觀吾紫磨金色之身今日即有明日即無瞻
仰取足毋貽後悔此意如何師云臨崖看澗
眼特地一場愁僧云如是人天大衆悉皆垂
淚惟有波旬踊躍歡喜又作麼生師云甜瓜
徹蒂甜苦瓠連根苦僧云且道波旬是誰第

子師云是佛弟子僧云既是佛弟子因甚麼
却踊躍歡喜師云三臺須是大家催僧云今
日忽有箇漢出來助哀又作麼生師云非吾
眷屬僧禮拜

師乃云葛藤椿子既倒且喜天下太平此是
末世比丘佛忌禪語輕輕薄薄以我慢爲宗
還知大覺世尊金棺味舉已前事麼卓主丈
上堂舉僧問法眼云慧超咨和尚如何是佛

云若如是則一夏無虛棄之功師云藏身露影僧云國師侍者處索犀牛扇子意旨如何師云因風吹火僧云侍者云扇子已破了也國師云扇子既破還我犀牛兒來又作麼生師云老倒無端入荒草僧云投子道不辭將出只恐頭角不全此意如何師云子期去後無消息僧云雪竇云我要不全底頭角師云終出他影子不得僧云謝師答語師云無久

處前額望汝

師乃云今夏聚集四方衲子據菩薩乘修寂滅行九十日內孜孜矻矻不敢妄有走作一日忽見鐵船在水上浮又不可謂之怪力亂神當自體悟之若體悟得去不孤先聖所立期限未後收功苟或未然咄終不一向與人

復舉欽山同巖頭雪峯行脚會茶次欽山云

若不_レ解_レ轉_レ身_ヲ通_レ氣_ヲ不_レ得_レ喫_レ茶_ヲ巖_頭云若_レ恁_レ麼_ヲ
我_レ斷_レ不_レ得_レ茶_ヲ喫_レ雪_峯云某_レ甲_モ亦_レ然_リ拈_レ云親_レ師_ヲ
擇_レ友_ヲ之_レ難_キ古_ノ之_レ今_ノ之_レ欽_山方_ニ致_ス薄_レ禮_便有_レ人_ヲ
動_レ他_レ座_子徑_山則_レ不_レ然_ラ但_レ有_レ來_者便_レ請_高挂_ス
鉢_囊飽_喫了_常住_茶飯_一任_看山_看水_恁麼_ス
過_切不_レ得_レ漏_泄何_レ故_卓主_丈恐_百鳥_獻花_無
路

次_日上_堂百_丈清_規千_古洪_範藏_之則_虛空

絕_跡用_之則_綱令_森嚴_徑山_雖則_義氣_薄雲_云
爭_奈味_有僧_堂施_設且_今夏_聖制_如何_講明_世
卓_主丈_云下_座普_向你_禮不_到諸_寮拜_白
謝_秉拂_夏齋_上堂_僧問_記得_僧問_雲門_如何_云
是_諸佛_出身_處門_云東_山水_上行_此意_如何_云
師_云舌_頭不_出口_僧云_圍悟_云若_是天_寧則_云
不_然如_何是_諸佛_出身_處只_向他_道薰_風自_云
南_來殿_閣生_微涼_又作_麼生_師云_也不_較多_云

僧云大慧聞得便悟去又作麼生師云拚箇
渾身入地獄僧云今日忽有人問和尚如何
是諸佛出身處未審如何答他師云三叉路
口少人知僧禮拜云謝師答話師云推空聽
響

師乃云財法二施等無差別因甚北路山高
南路山低會得一句子如沾甘露毛骨頰清
投得一筋子如飲醍醐羣心飽德徑山傍若

無人二俱不受何故卓主丈寒犢晚歸桑柘
塢短籬無主自開花

上堂舉無盡張丞相與玉泉布衲皓和尚夜
話無盡云洞山初老也甚奇怪道五臺山頂
雲蒸飯佛殿堦前狗屎天要明法身皓云也
有甚奇特他只領得法身邊事不領得法身
向上事無盡操蜀音云如何是法身向上事
皓急呼紙未至就金漆卓上大書云一夜雨

露澎打倒葡萄棚知事普請行者人力拄底
拄撐底撐撐拄拄到天明依舊可憐生擲
筆大笑無盡爲之入石師拈云盡謂二大老
縱無礙辨明殺活機殊不知慧劍相持各有
優劣

中夏上堂事到極處則難說理到極處則難
明事到極處則難說河自海口恣意瀾翻理
到極處則難明雲蒸月暈水瘦山肥你麼得

二境相需去忽有箇衲僧出來道直饒理事
雙泯也是藥病相治山僧道你是草烏頭半
夏子待他擬議拈拄丈便打

千僧堂上梁上堂僧問記得世尊因地布髮
掩泥獻花於然燈佛此意如何師云焦墀打
著連底凍僧云却是然燈佛指布髮處云此
方宜建下刹又作廢生師云事因可囑起僧
云會中有賢于長者持標捕於指處云建梵

刹已竟此意如何師云神駿不勞鞭影僧云
 和如和尚崇建千僧堂還與賢于相去多少
 師云高出他一頭地僧云恁麼則諸天散花
 贊歎有分師云歸依佛法僧僧禮拜師云叫
 叫

師乃云神功遜宅大覺開基六百年興廢異
 常一萬指栖身屋老從頭改作特地新條乘
 時操鐵石之心談笑際風雲之會六籠起舞

五鳳爭高不須立石紀功繼此見聞不昧忽
 有箇出格道流出來道虛堂老子是則是以
 幻修幻有何妙理遽然成此器業山僧只向
 他道自從咸淳戊辰之秋鳩工至己巳六月
 一十且落成

上堂舉世尊因黑氏梵志擎合權梧桐花獻
 世尊云放下著梵志放下左手梧桐花世尊
 又云放下著梵志放下右手梧桐花世尊復

呼官印悅也又亦權權
 也

云放下著梵志云我今兩手盡空未審放下
箇什麼世尊云你放下外六塵內六根中六
識是你免生死處梵志當下悟無生法忍師
拈云世尊畫蛇添足當時待他道我今兩手
盡空未審放下箇什麼祇向伊道你放不下
擔將去若下得者一轉語東土初僧不如西
天外道

解夏夜參僧出眾云今夜小參不問話師云

獲裏何曾走却驚僧問九旬禁足魚投網三
月安居鳥入籠生煞盡時蚕作繭如何透得
者三重此意如何師云一槌擊作百雜碎僧
云若恁麼性燥衲僧無出和尚師云適之主
文字不在手僧云如何是九旬禁足魚投網
師云新婦騎驢阿家牽僧云如何是三月安
居鳥入籠師云向來披帶頂今已遍神州僧
云如何是生煞盡時蚕作繭師云語是心苗

僧云如何是透得者三重師云魚眼裏針線
僧云記得洞山和尚示衆云秋初夏末兄弟
家東去西去直須向萬里無寸草處去此意
如何師云鷲鷲股裏多割肉僧云後來有僧
舉似潯陽菴主菴主云何不道出門便是草
又作麼生師云秤尾星邊較重輕僧云洞山
聞得乃云大唐國裏能有幾人爲復是肯他
不肯他師云買帽相頭僧云只如新建千僧

堂已自畢工兄弟家還有東去西去底麼師
云臨時包裹僧禮拜師云須是如此始得
師乃云入夏以來並無做工夫底時節每日
只知登千僧閣守被位上大覺寮看飛雲波
波挈挈云過了九旬雖然如是直饒七佛出
來也覓他起處不得時臨自恣繩頭子越自
把得緊何故蓋他是明眼衲僧終不肯小小
結果着

復舉黃檗在南泉會中爲首衆。一日捧鉢向
南泉位中坐。南泉入堂問長老甚麼。年中行
道。檗云威音王已前。泉云猶是王老師兒孫。
下去。檗於第二位坐。雪竇拈云可惜王老師
只見錐頭利我。當時若作南泉待伊。道威音
王已前。便於第二位坐。使黃檗一生起不得。
師拈云明覺一代龍門針。割古今。凌跨前作。
是則是順水張帆。若恁麼。其師法何在。

次日上堂。追大鵬於藕絲竅中。納須彌於螭
頭眼裡。此是衲僧家九十日内。游戲法門。今
朝解開布袋。且收功。下句作麼。生卓。主文。王
守澄。肅巖。磬生。秋。

謝維那知客浴。主侍者上堂。下槌未舉。驚羣
聽。綱令清嚴。三絨纔啓。驗來賓。頂門眼活。只
如不洗垢。不洗塵。畢竟洗箇甚麼。卓。主文。耽
源侍國師之久。必能知之。

朝廷祈雨上堂問答罷師云神本不靈敬而
禱之則靈敬而禱之既靈則便能博虛空於
掌上驅旱魃於天隅布雲霧於四郊注甘霖
於九野漁歌煙浦咸稱富足之年樵唱雲村
共樂昇平之化然雖如是且君臣慶會丁句
作麼生卓主文明明生下穆穆當中

朝廷明禋大禮祈晴上堂問答不錄師云天
地之大以孝為本聖人立教以禮為先以孝

為本則感天地動鬼神以禮為大則享上帝
敬祖宗以致轉旋造化密運樞機月滿長空
雲收嶽面此猶是轉句作麼生是奇特丁句
卓主文明禋大禮杲日麗天

中秋無月上堂僧問長沙與仰山翫月次仰
山云人人盡有者箇為甚用不得此意如何
師云輸機是算人之本僧云長沙云恰是倩
你用作又作麼生師云無文印子胡亂搭僧

云仰山云你作麼生用被長沙下脚踏倒起
來云師教直下似箇木蟲還端的也無師云
未是性燥漢僧禮拜師云短處求長
乃云金色世東人見月必喜爲它坐在淨潔
地上始終脫不得洞山云折合還歸炭裏坐
蓋曹洞宗旨以炭謂之正位會得方檢點得
馬大師不然一併轄向炭庫裏坐
上堂靜之極不知動則虛動之極不知靜則

應動靜一律妙乎中道衲僧家得此三昧攪
長河爲酥酪變大地作黃金未爲分外不然
卓主丈匹粟斯與箇青橄欖
開爐井翻蓋佛殿上堂僧問德山入門便拈
却和尚入門重建下新此意如何師云汝纔
入門先穿却汝鼻孔僧云恁麼則各立門風
去也師云低聲低聲墻壁有耳僧云此事且
止記得趙州示衆云我三十年前在火爐頭

說箇無賓主話此意如何師云投以五十猪
 舉臂釣滄海僧云如何是賓主話師云鉞鳥
 籬邊穀不去僧云可謂冷眼箇中看火色祖
 師心印為親傳師云果然跳不出僧云趙州
 道無賓主話至今無人舉著又作麼生師云
 孫贖放癡僧云今日徑山開爐還許學人議
 論也無師云斬釘截鐵未是你家
 乃云有雪有霜有寒有燠四時遷謝變化不

居林切
 牛也
 又畜
 徒強
 者皆
 曰猪

向山僧今年八十五骨冷如冰纔聞燠字舉
 手而謝之何故免得老來挑灰弄火

偈頌

師入淨慈陞座問答罷忽テカ 天使踵門イタニ
 傳奉聖旨問趙州因甚ニカ八十行脚虛堂
 因甚ニカ八十住山師乃就舉趙州行脚テカ
 日到臨濟方濯足問臨濟問如何是祖
 師西來意州云恰值老僧洗脚濟近前
 作聽勢州云會則便會テカ啞歌サカ作麼濟歸テカ
 方丈閉却門州云老僧八十行脚今日テカ

聖得頌卷三

一

一

一

龍顏 龍顏以買金足

却被者驢子撲輒成一頌天使揚都知

繳奏龍顏大悅特賜米五百碩絹一百

縑開堂安眾續以糧食闕典僧堂弊漏

敷奏伏蒙 聖恩撥賜水田歲收租三十餘石並免

官稅仍頒降楮券一十萬貫重蓋僧堂

頌去 趙州八十方行脚虛堂八十無伴山別有一

趙州八十方行脚虛堂八十無伴山別有一

龍顏 機恢佛祖九重城裏動

龍顏 寄集慶開山

如意來尸釋梵宮雨花狼藉濕春風自慚老

矣無靈骨日在深雲聽講鐘

廣靜學林府判游天澤菴韻

古道蕪禪到躬行得幾年乾坤資定力心月

鑑前緣一靜人難學三生話未圓老來重有

趙州八十方行脚虛堂八十無伴山別有一

約不在北山邊

蒼洞陽居士麋監丞

詩小雅採芣之溱多兮又無夜囊今纏腰下者

冷冰冰地洞陽春橐籥乾坤萬物新
拋下葛藤提不起不知纏縛幾多人

送了侍者游台山

慕疆高舉興何窮秋在黃蘆葉裏風已事未
明如踏火白雲深處見巖翁

來知客慈峯之乳竇瞻禮明覺塔

湖邊問路入深雲十載心香一炷焚不見隱
之真隱處曉風凌露葉初聞

賢侍者號木翁

录曲輪困兒似癡春風花鳥自忘機年來老
大渾無用一任叢林鼓是非

寄道彬侍者

勃窣家風一任真述朱終是不成文何如竹
榻吟清夜月到花梢有幾分

準侍者歸省

山空木落岸雲輕吹面霜風有幾程明月脩
江歸夢急入門先祝老人星

清禪者游方

金風露浥菊花秋杞棘當途何處游衡岳康
廬相撞著恐伊未是汝同流

珪禪者號石翁

逃罕劫外已蒼然翫水觀山得幾年聞說聽

經曾肯首老求無力補青天

瞿居士號無知

遇緣觸境總茫然地闊天寬著那邊一點既
明超物表不知將底鑑偏圓

贈妙潔道人

妙心明潔契如如操履分明女丈夫龐老家
風殊不二揀籬高價許誰沽

廢寺

入眼荒蕪古殿秋歲華遷謝沒入修夜深靜
聽風甌語似黑檀那不點頭

越山

翠螺簇簇繞湖濱寒影清磨古鑑塵休問
頭望夫石人間恐有斷腸人

墨戲層生善老融牛

草水傳真筆力高戴嵩牛在二秋毫此行莫
擬天台去忍作孤僧過石橋

題淨業園

鍊行修身結佛冤未曾說著齒先寒老來不
願西方去樂得闍浮眼泉寬

示惠靈為僧

惠性何如見性通要教靈驗顯吾宗乘時
下墜腰石笑捧衣盂繼祖風

佛事

侍者

惠明

編

咸淳元年三月十日恭奉

聖旨宣入大内普說先於几筵殿遷

理宗皇帝靈輦入正殿拈香語錄師不

許刊行

兩手對卷之東又稱謂有樂

安孝垂慈契宿熏鸞輿宮殿出金門乾坤日月無光彩草木咸霑舊日恩恭惟

烈文仁武安孝皇帝龍鳳之姿天日之表堯
仁舜德濟世澤民垂衣端拱四十年顯道
繼明一十三葉時康物阜天清地寧十方國
土果圓一徑西夫路活千花捧足百寶嚴身
空中仙樂來迎大地六種震動今也次第攀
蓮嚴駕奉重春行一句無私如何話會深炷
紫檀樓閣現百千諸佛共遨遊

楊御藥奉

聖旨請跋每月念佛圖

每月念佛之圖戒禪師所編自初一定光佛
為首三十日至釋迦世尊終而復始猶若貫
花新新不住念念不停口誦心思光明發現
為人天福此念佛精誠之感驗也然而當月
小之日黃面老子無所念處若趨在初一日
則定光佛又無念處以此究竟得去無上法
王於當念中巍然不動現瑞呈祥使定光不

前釋迦不後二六時中拖三作兩喚去呼來
普應大千統攝法界了無妨礙任流通真
所謂功成行滿者哉

都省董節使起棺

凜凜聲華出禁闈行藏多是合天機
圓明定力人皆有妙得心傳世所稀
都省節使太尉董公氣吞佛祖眼
蓋乾坤赤心奉上則氣烈嚴霜
網紀禁庭則風行草偃隨珠絕類
趙璧

無瑕人間萬事只如許
大笑一聲天地空
今也溪山雲塢處處逢
迎水鳥樹林互相顯發
只如轉位就功出門
下句作廢生拈棺云高
空有月千門照大道無
人獨自行

湯正言請為前雙林雲峯德和尚入塔

劫火曾烹鐵面皮
從來不放價頭低
有時雲外露消息
巖嶮門風到者迷
其人一生擔板
咬薑呷醋佛眼難窺
兩處住山時止時行聖

多手推也卷也
持築也

凡莫辯靖退全收晚節信緣來應古擣拍板
味拈木星先殞今則舍利流溢剖玉斯函雖
然未覩音容爭奈面目猶在還見麼提起骨
云寧堵波中收不得無陰陽地起雲雷

徑山荆叟入淨慈祖堂

餓狗纏繞古調新年來參入胡笳曲韻出凌
霄最上層聽者和者俱不足天風吹散落西
湖南石菱蘆春水綠夜深相對共誰語無位

次中陪列祖

秉炬

師觀書記

闍山青浙水碧去住悠悠忘影跡急從秋觀
整禪衣不知天地誰相識有相識無準的南
山爐鞴正炎你看是甚火色

可拱藏主

進而趨拱而立五千餘卷詮註不及沐浴更衣信意行道入瀟灑無包笠火不燥水不濕鐵壁銀山從者裏入

東山秀老請為小師一侍者

一呼使領終不孤他國師再喚不回祇為貪程太速春雲乍斂宿雨初收火焰裏轉得身來鉢袋子付囑有在

本然侍者

煙鬘白又火剎白

清淨本然臭煙烽焮抹過兩重關放出遼夫鷓然侍者將謂吾孤負汝汝元來孤負吾偷眼涅槃臺上望果然做得死工夫

潮州本植禪者

鰓鄉枯瘠人悟得傳心訣無根樹子一植便活不知寒影落誰邊但覺腥風起天末植禪者休甄別當爐不避熱鐵

德圓堂主

行不德規不圓死則活病則痊寸心多在藥
爐邊誰委悉實難言無明火裏雪佛祖究

居靜副寺

以靜照心中逃影以空觀妙太夢方省萬
里岷峨飛片雲何如月到千峯頂靜副寺孤
迥迥火後莖茹點著便領

至義禪者

背法堂著草鞋去衲僧義斷情忘觀方知彼

去去彼不至方轉入南山爐鞴不守自己靈
光數莖枯骨撐天地一葉扁舟載大唐

惟一知客

惟此一事實餘一即非真洞然明白猶落法
塵自己禪只參半夏行脚眼帶來幾春且向
寒爐敲石火不須著椀驗來賓

暫到如是禪者

背得四大部經到頭不識如是虛已扣南屏

跨門先領旨火聚刀山當等閑去來不在秋風裡

凌霄峯念菴主

正念現前七顛八倒豎起拳頭賓主分驗人眼活如鷹鷂閑時禪淨非照凌霄峯頂看雲人天寒不入者爐竈

祖秀老宿

得之豈在衣盂賽過南能北秀胸襟空洞無

物道人如出諸已正如邪活如死一箇無羈紐名檢也所以檢持也

藟苴翁莫教觸著無明起藟苴不中只又藟苴泥不熟白

如松禪者

夜來好風吹折門前一枝松自南自北自西自東破頭山下不雷同枝枯葉隕臘盡歲窮磨洗雪霜禁得冷者回方覺煖烘烘烘煖火乾也

惟曉直歲

戴星耕耨何如又手揲歛破曉燒畚勝似栽

田博飯近制急抽單子可是本色道流更苦
喫不回頭火焰爲汝說法

妙蓮上坐

出水未出水衲僧未舉先知有子必有房動
著礙人牙齒休論半池霜倒且看綠影浮波
如今移向火中栽劫外香風來未已來未已
擲下火把云休要葛藤

樹頭祖用

黃梅不墜腰間石鄧嶺惟栽帶雨松四十餘
年今有驗長長短短用無窮祖衣未得入手
萬緣先以頓空無柄纓頭何處著一時分付
丙丁童

法語

高麗國淑法師印藏經

如石含玉非精鑑焉能識其真道在已躬苟
外求難以適其妙鑑之弗精則隱微求之不
敏則溟滓要明體道之源非朝夕而可求之
者也故我竺土老師守志不堅棄萬乘尊榮
受六年饑凍於臘月八夜忽覩明星不離草
座入不思議之境說一大藏萬藤籠絡天地

日月包括陰陽造化致於有情無情總出他
影子不得三賢十聖無不傾心外道天魔悉
皆拱手可以報君親厚風俗鎮浮去偽潛利
陰益者多矣未後却道始從鹿野苑終至跋
提河於是二中間未嘗譚一字可煞漏遠從
茲關鑰不嚴便見殊方異域赤縣神州海藏
金文無處不有豈止平破一微塵而出此經
卷而已哉高麗淑法師者竺土老師之眷屬

也宿熏既深航海而來遠致一身願滿十載
綿歷風霜其志愈篤遍尋知識求所未聞儻
能未展經條入此阿字法門則五千餘卷總
是切脚且道切箇什麼字因驀然眼皮綻不
得忘却老僧宋景定癸亥秋八月虛堂叟書
于四明雪竇西菴

雪蓬明長老赴永興光孝

雪蓬明老相從有日自育王過東山客櫺之

下温然如春此老之力也在南屏居第十座
忽澱湖有公選之寵二年復勝集千雙徑仍
歸第十座羣心歡如今領朝命退赴永興光
孝臨岐聊擲數語以當祖行卓錫無地空餘
雙眼蓋乾坤鐵笛橫吹有氣不吞雲夢澤煙
波渺渺蘭棹依依雪蘆霜葦冷相宜幾度揭
開閑對月鷺湖深處不必垂絲長水江頭錦
鱗自得臨岐句子如何分付風飄飄兮吹衣

水泠泠兮聲詩咸淳戊辰秋九月虛堂老僧
書于不動軒是年八十四

日本建長寺隆禪師語錄跋

宋有名衲自號蘭溪一筇高出於岷峨萬里
南詢於吳越陽山領旨到頭不識無明擡脚
千鈞肯踐松源家法乘桴于海大行日本國
中淵默雷聲三董半千雄席積之歲月遂成
簡編忍禪久侍雪庭遠訪四明銀梓言不及

處務要正脉流通用無盡時切忌望林止渴

雪峯霜林果禪師語錄跋

大慧下尊宿尚多足陌虎止下子孫尚多省
數足陌使之有限省數用之無窮罵天翁三
傳而之霜林萬木正當凋落鬱然興起此蓋
擅省數而得之善觀是錄者可以陞其堂而
未可入其室

真贊

慶遠俊長老請

老不死心未灰觸著惡發青夫怒雷引得虎
頭燕頤競起叢林禡胎點著便領何其俊哉

淨覃藏主請

容易肯人難與共語竹筵頭惜之如金禪牀
角委之如土淨覃知藏善知機電光影裏分
實主

以文長老請

天地不仁出此妖怪有偷營劫寨之機無喜
捨慈悲之戒正脉將沉法門凋瘵如何嗣續
松源流大奸難後越精神罵久甯毒如蜂蠟

新建淨慈天錫莊請

玉期而會玉約而同晴光燦燦和氣融融際
遇

兩朝聖主中興 徽廟禪叢良由天錫平如

蔡木玄虛海賦天網浩
灑急凋急瘵洪濤
灑汗万里無餘
灼紫光白又銷燦

再起
白
滿水
似白

祇坐對靈苗歲歲豐九

徒弟宗璞建施水菴請

等是垂慈初無門戶璞玉既分兮可觀梵儀

頻舉兮難觀凌霄峯頂看雲人普化堂中第

一祖

日本紹明知客請

紹既明白語不失宗手頭皴弄楊米去線也金圈栗蓬大
唐國裡無人會又却乘流過海東

磻溪禪子請

怒氣喫人殊不可犯雖有蓋膽毛且無驗人
眼是亦剗非亦剗咬定牙關丁生擔板

光禪者請

初而飲久而厭明月夜光多逢按劍但信得
及自有靈驗

無則都寺玉几寫予夢影自散席後言
音不相接者十二年今上徑山請贊筆

老墨澀勉而書之

敬而遠親而疎明鑑靈腑善定鎖銖凌霄高
而衆峰拱海嶠聳而蟾影孤子歸就父吾不
識渠

徑山西寮衆老郎請

霜嚴氣烈山空月明涵養有得剗削不平拈
起則佛祖不識放下也草木爭榮捱到凌霄
八十四誰知名重九重城咄

在捱又捱也捱格也

妙源 嘗拜觀師十會語如南屏雙徑

提唱甚多惜乎未盡毀梓曩曾侍師於

凌霄因有此請不允今叢林衲子咸欲

流傳謹錄成後集倘覽者言外知歸則

我師之語何刺焉咸淳五年歲在己巳

佛成道日新差住持福州鼓山嗣法小

師妙源拜書

小師楚華清塞謹抽衣資命工刊行

後錄終

虛堂和尚新添

勅差住持洛陽萬壽法孫比丘宗卓集

讚禪會圖

黃檗禮佛掌 宣宗

七赤之軀額有圓珠問著便掌瞻大心麓不

是大中天子幾字喚馬作驢木家水底按葫

蘆

趙王訪趙州州不下禪牀

堅不剛柔不弱七百甲子老翁偏要用此一
著列土王來不下牀高風千古為標格

肅宗問忠國師十身調御

萬乘垂衣立問端國師答處太瞞頂誰知十
月清霜重一陣風來一陣寒

李翱參藥山

黑豆數無窮青松蓋不盡癯然老比丘即此
吾無隱更提雲水曲周遮添得傍人眼裏花

韓愈見大顛

檀拍板無孔笛省要乞一言虛空轟霹靂臨
機不解轉身又却隨他聲色非聲色洞庭湖
外千峯碧

莊宗宣興化問答

君臣慶會豁全機百億山河盡貢歸拈起太
平無價寶乾坤何處不光輝

順宗問鵝湖大義禪師

當機一旬關天關海關山遙豈等閑堪笑冬
瓜長催侗翻成瓠子曲彎彎未改器也

文宗問終南山蛤蜊瑞相

顛不開撲不破人言木士應身我也疑他真
箇終南山相應和喜動龍顏百僚俱賀誰知
別有彌天過

龐居士問馬大師

藏頭露影問來由却把西江盡力誦回首眼

答也誼也
以言答又曰

空天地窅不知身在御街游

丹霞見靈照女

窅有頭債有主天然欲訪龐翁恰好撞著此
女揣盡家私瓜甜蒂苦因茲上下不和同牛
姦即忙塗赤土

龐居士太家團圓共說無生話

窮厮煎餓厮吵父子不同途太家相脫郊萬
頃湘江洗不清無生曲調何時了

五言外字

龐居士闔家都去

神出鬼沒接響承虛這一火絡邪法難扶互
將魚自作明珠笑倒西天碧眼胡

紹定四年清明日住嘉禾興聖智愚為
妙源侍者敬贊

棘林和尚遺書至

因記七峯來玉几去年花月正雲均未周一
歲背盟我別盡春燈眼不交

均字致子因同

鍼生太阮

五庚扣鐵墟也整溝也陷也

○坑動也廣韻達水也

假道鍼鋒上行藏雲水中且非心法妙自是
手頭通前輩多遺得靈襟出眾工明朝何處
去黃葉度谿風

琳禪人歸豫章

慎將窺管鑑靈知用在亡羊愧在斯莫謂西
山好消息須知江海有名緇

雲山小景

渺渺晴煙蒼蒼古樹昏天涯殊未足對此
暗消魂

孤山

黯黯青青一望中迥然不與眾峯同白雲散
盡江天曉想見人間無路通

右五或載前錄今本不見故收在此

和秉彛李君五偈

深夜何人立少林見成公案不須尋堆山積

嶽難消遣相對頑然鐵作心

呈瑞喧傳是有年眼前分曉被人謾自家冷
暖知來處老骨從前不怕寒

千鈞之重一毫輕好句聊將尉客情縱擬怪

松為玉樹月高依舊可憐生

曉聽君臣慶賀時六街如畫不曾迷普賢境
東應垂問手詔來時見紫泥

爐邊呵凍得能多端石無辜日夜磨却把掉

哀也

詞爲雪味其魔難敵勝修羅

寵和五偈調高難續未免評是伏丐笑

搵智愚再來

贈禪客智仁

法戰場中樹勝旗話頭何似問頭危古人戒

竈添兵處切忌交鋒蹉過伊

問話行者智仁炷香請語以此贈之景

定癸亥至節虛堂老僧書于雪竇西菴

送日本南浦知客

敲磻門庭細揣摩路頭盡處再經過明明說

與虛堂叟東海兒孫日轉多

明知客自發明後欲告歸日本尋照知

客通首座源長老聚頭說龍峯會裏家

私袖紙求法語老僧今年八十三無力

思索作一偈以資行色萬里水程以道

珍衛戒淳下郊秋住大唐徑山智愚書

于不動軒

鳴鐘佛事

烹金鍊玉煨聖鎔九不假鉗錘便成大器霜
清月皎證圓通三昧之門雲淡天恆破勞生
昏迷之夢壽同空有未鎖化城最初一椎如
何話會聲鐘一下云却石有銷日洪音無盡
時

化城鳴鐘咸淳戊辰冬十月日住徑山

虛堂智愚書

谷蓬萊宣長老書

智愚啓復蓬萊堂頭無示禪師二月初十日僕
至收所惠書且審住持緣法增勝爲尉所言
之心腹宣勞之人時節使然當體古風地藏
道諸方說禪浩浩爭如我種田博飯者般說
話大有田地風穴見破屋數間單丁者七年
瀉山喫橡斗子九載此皆哲人事業光明後

世如此但恐無久遠之心今則利道交行不可舉目也况蓬萊海上名山前輩行道之地自當退步謹愿以叢林爲念以衆人爲心自然般若之緣勝起香風四吹何患無宣勞者勉旃是請承惠紫茹兩月不甚佳想交運如此靈隱已脫選相伴而已光老恐三月初進院移單歸松源塔所去庶耳根清淨又得江湖兄弟相伴飲茶道話足矣寄來提唱已一

一點校付則師封去綾方郎母信搭住幾時
几後措辭遣言子細雖割古今詳盡大意下
又處較嚴莫似諸方泥中洗土春暄善宜調
攝至祝不盡二月二十八日智愚啓復

示權淨侍收

出家人務在潔清淨勤策三業不當塵俗汚
居老夫偶適之低細教育令其照前所戒潔
已虛心學業周身以了出家本志如其不然

請出此局

辭世頌 八十五年佛祖不識掉臂便行
太虛絕跡

行狀

師諱智愚四明象山陳氏子虛堂其號也家
近邑之普明寺相距一里許有山其祖欲卜
壽穴相者謂此地高則廢子孫富盛低則當
出異僧祖曰願得僧以副吾崇佛之志及祖

孕王姓子含寶
世古文作麗

葬味數年母鄭氏嘗夢一老僧脩而癯長搥
乞飯因而娠焉逮生之夕母復夢如前年十
二父母携師拜祖墳言其事師若有所憶至
十六歲無經世意父母見有異相舌貫鼻端
聽其依普明寺僧師蘊出家一日聞誦杜工
部天河詩長時任顯悔秋至輒分明縱被微
雲掩終能未夜清忽有警發辭親出鄉首依
雪竇煥和尚淨慈中庵皎和尚公務外惟坐

五指同拱
又進
荀子
拱搥
指摩

禪二老撫愛常置之左右道過金山掩室和尚一見甚器重通夕與語無倦是時運庵師祖謝事真之天寧解后語話見其氣宇不九未幾赴道場携師過雪上薙染為不齧務侍者九入室常舉古帆未挂因緣不許下語思之古帆未挂話有甚難會其實只是一漚未發已前事何得不教入下語造方丈通見解聲未絕庵云何不令汝狗口靜地裏密密體

取去歸寮不覺躁悶動也急進也疾也不安靜也論語言未及之而言忽然會得古帆未挂話美因切門煩也清淨行者不入涅槃話次日入室却問南泉斬貓兒如何師云大地載不起庵佞頭微笑自此徧歷諸大老之門與石帆行叔結盟游江淮湘漢巡禮祖塔坐夏荆門玉泉因思虞察院於疎山壽塔因緣發明孜孜參究因過廬山大雪弥月在東林且過堂夜坐無心中會得太嶺古佛放光時節自此凝滯泮然其

謂之

時無二月，和尚主福嚴奔走龍象師，往依之。即命典藏有脩首座，飽參碩學，歸隱南嶽，影不出山，未嘗容易肯可。諸方師與商略古今，反覆博約，深相契合。有北禪禮和尚，機辯峻捷，袖手少得登其門者。師一日訪之，厲聲曰：「新到相看禮云，長老不在師云，已得真人，好消息禮出喚行者云，新到僧在那裏，師指露柱云，和尚問你何不答禮云，甚處來師云，福

捷勝曰捷成也敏疾也敏聰也恭也

嚴禮云行李在甚麼處，師云在且過堂禮云我不問你者箇行李，師云若是那箇行李，北禪門下著木得傾倒，不忍捨由是回浙到淨慈，見淨和尚，淨問云你還知所生父母，通身紅爛在荊棘林中，廢師云好事不在，忽忙淨隨後打一拳，師展兩手云，且緩緩時笑，翁和尚住靈隱，以虎丘舊職命師，再尸藏事，舉住杭之廣覺，力辭忠獻史衛王，秉鈞軸嘉禾天

寧別浦以師名聞之出世興聖寶紹定二年
也後遷報恩開府存畊趙公以明之顯孝力
請開山復遷瑞巖二年丐退掩關啓霞萃成
頌古代別延福虛席侍郎黃公堅請主之繼
遷婺之寶林五年嬰強寇之難歸松源塔下
東谷和尚主冷泉欲舉立僧恐不俯就衲子
再三禮請師從之開室普說垂三轉語罔有
湊泊寶祐戊午育王虛席禪衲毅然陳乞有

司節齋尚書陳公嘉其公議特與敷券是年
四月領寺事三年吳制相信讒懷隙辱師欲
預其德師怡然自若始終拒抗略無變色
聖旨宣諭釋放作偈奉謝云去時曉露消祥
暑歸日秋聲滿夕陽恩渥重重何以報望無
雲處祝天長古愚余尚書典鄉郡特以金文
延之迫於晚景退閑明覺塔下作終焉計景
定甲子有旨詔住淨慈衲子奔集堂單無

以容半居堂外上徹。宸聽賜絹百疋造帳
米伍伯碩楮券十萬貫是年秋又賜田參阡
餘畝即今天錫莊是也十月 帝崩召師入
內對靈普說兩宮宣資憂渥丁卯秋遷徑山
冬十月 朝廷降香遣使禱雪問師期應師
曰今夕果至期無爽回奏賜綾牒貳拾道銀
券等一新僧堂浴室行堂區區工役中猶勵
眾無怠師感 兩朝恩遇之寵將所賜帑帛

創小庵於望雲亭之東扁曰天澤就築塔爲
歸藏之地師平生性不通方與時宴合臨事
無所寬假言纔脫口則釋然無間以是學者
畏而仰之二十年常舉靈雲兩處不替徵問
衲子少有契其意者己巳十月五日祖忌拈
香罷忽感微疾越二日晝偈沐浴端坐而逝
春秋八十五夏臘五十三嗣法十數人語錄
二帙已行於世門人奉全身瘞于塔焉咸淳

十年十月十一日新節差 住持慶元府清

涼禪寺嗣法小師 法要 謹狀

行狀或唐刊系在後錄末今本不
見故值于此

祖翁在世語錄二帙刊流天下宋咸淳
五年晉之續錄後集已成三卷而本
朝未刊行之先師常為言而未果成

也為人之後者曷無勇為乎仍搜遺逸
新添數紙於後錄之尾綴梓于龍翔正
和癸丑開爐日拙孫宗卓敬書

虛堂和尚新添終

正保四年丁亥正月
中野小左衛門刊行

